



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 116. Sessio XL. Basileensis Concilii.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

cibus utriusque hujus delegati verbis æcul. XV.
A.C. 1440.
firmatam esse, necnon Bohemis promississe Concilium, quæ modo servare nollet. Solo itaque hoc argumento, quod tamen nullatenus comprobatum reddere poterant, suffulti, novam denuo quadraginta quinque suorum articulorum professionem ediderunt.

§. CXV.

Basileensium conatus pro Felice tanquam Papa agnoscendo.

Cum Francofordiæ comitia, quorum supra meminimus, celebrarentur, Basileenses missis ad Germaniæ Principes Oratoribus, Felicem tanquam verum Pontificem agnosci, & *Neutralitatis*, ut vocabant, decretum abrogari postulabant. Ast frustra erant eorum preces. Interim Felix, antequam Basileam peteret, Cardinalem Arelatensem Apostolicæ Sedis Legatum creabat.

§. CXVI.

Sessio XL. Basileensis Concilii.

Post hæc Basileenses congregati die vigesima sexta Februarii Sessionem ordinem Labbe Conc.
to. 12. p. 638. quadagesimam habebant, in qua Felicem in sui electionem consensisse, ac
Felicis

Sæcul. XV.
A. C. 1440.

Felicis quinti nomen adoptasse promulgatum est, ac confirmatum. Præterea anathematis poenam vibrabant in omnes cujuscunque demum conditionis ac status essent, qui eundem tanquam verum Papam suscipere detrectarent, ipsosque adeo Presbyteros sacerdotio privandos comminabantur. Innovabant etiam decreta adversus Eugenium condita, ea vero, quæ ab illo sancita, declarabant omnino nulla, iterato prohibentes, ne eisdem, aut ejus mandatis quovis pacto obtemperetur, & quicumque contravererint, tanquam rebelles denunciabant. Synodo & Felici reservata eos castigandi potestate. Cumque Basileenses Novelecti Pontificis, suorumque Officialium, ac Ministrorum necessitatibus subvenire meditarentur, nonnullas eidem Beneficiorum collationes, Annatarum loco, quas abolitas voluerunt, concedendas proposuere. Attamen huic consilio Germanorum nonnulli, Parisiensis Universitatis Delegati, & Gallorum quam plurimi adversabantur, obstiteruntque, quominus id decerneretur, antequam Provinciæ ea de re certiores fierent.